

Koyra Senni - Hallasiroo Citaaboo - Salvation Scriptures

Efez Borey Batagaa 2:2 war cindi ka dir'i ra sanda takaa kanj nda adujna ga dira ka sawa nda Ibilisi kanj ti hewoo hini laalaa boŋkoynoo, hundoo kanj ga goy sohō da borey ra kanj si haŋajer.

Matiyu 6:10 ni *Laamaa ma kaa, ni ibaayoo ma tee laboo ga sanda beenaa takaa.

Luka 22:42 ka nee: «Baaba Irkoy, nda ni yadda, gurzugaa potoo woo moorandi ay ga. Amma yala agay ibaayoo masi tee, ni wanoo ma teendi.»

Yehiya 16:7-9 Agay, ay ga cimoo har war se: A baa war se ya koy, zama nd'ay mana koy, Faabakaa si kaa war do, amma nd'ay koy, ay g'a sanba war do. 8 Waati kanj a kaa, a ga adujna layboo ceb'a se haya kanj ti zunubu here, haya kanj ti šerretaray here, nda haya kanj ti ciitoo here. 9 Haya kanj ti zunubu here, zama i mana naanay agay.

2 Timote Bataga 2to 2:10 Woo se ay ga haya kul muje Irkoy boro suubantey maaganda se, hala ngi mo ma duu hallasiroo kanj ga duwandi Almasihu Isa ra nda darža abadante.

Rom Borey Batagaa 15:20,21 Ay kayandi ka Alhabar Boryaa har nongey kanj ra Almasihu maajoo mana harandi hala ya si koy cina boro foo asaasoo ga, 21 sanda takaa kanj nda a hantumandi *Citaaboo ra ka nee: «Borey kanj se nga maajoo mana harandi ga dii a, Borey kanj mana maar'a ga faham.»

Teegoyey 2:36,37 Adiši Izirayel hugoo kul ma bay bila šikka kanj Isa din kanj war n'a kanji, Irkoy n'a tee Koy, a n'a tee Almasihu mo.» 37 Waatoo kanj i maa šenney wey, biney maray, i nee Piyer nda diyawey cindey se: «Macin no ir m'a tee, arma arey?»

Eberewey Batagaa 4:2 Zama ir mo, ir maa *Alhabar Boryaa sanda borey din. Amma šennoo kanj i maar'a mana baffoo hans'i se, zama i mana hanga borey kanj na haŋajer bande ka naanaa dii.

Žeremi 24:7 - Matiyu 22:37 Isa nee a se: «Ma baa ni Koyoo Irkoy nda ni binoo kul, nda ni hundoo kul, nda ni lakkaloo kul.»

Teegoyey 16:14 Woy foo kanj maajoo ti Lidi, Tiyatir koyraa boro no, šukka ciray hay šenda maamalakaw no. Irkoy ganakaw no, a ga haŋajer, ir Koyoo na binoo feeri hala a ma hayey dii kanj Pol g'i har.

Matiyu 13:14-16 Ngi se annabi Ezayi šennoo ga tabati kanj n'a har ka nee: «War ga haŋajer ka maa, amma war si faham baffoo se, war ga moo feeri ka dii, amma war si dii baffoo.» 15 Zama jamaa woo binoo šendi, i na ngi haŋawey tijandi, i na ngi moŋey daabu, hala moŋey masi duu ka dii, haŋawey masi duu ka maa, biney masi faham, i masi *tuubi, y'i noo baani.» 16 War, war

moñey duu gomni, zama i ga dii, war hañawey mo, zama i ga maa.

Ezayi 6:9,10 - Teegoyey 28:27 Zama jamaa woo binoo šendi, i na ngi hañawey tiñandi, i na ngi moñey daabu, hala ngi moñey masi duu ka dii, ngi hañawey masi duu ka maa, ngi lakkaley masi faham, i masi *tuubi, y'i noo baani.»

Marku 4:11,12 A nee i se: «War, war duu Irkoy *Laamaa haya tugantaa, amma taray borey, haya kul si harandi i se kala nda filla yaasayanteyañ. 12Nga ra <ba kañ i ga guna, i si dii, ba kañ i ga maa i si faham. hala i masi *tuubi, de ngi zunubey ga yaafandi!» »

Yehiya 12:39,40 Woo se i si hin ka naanay, zama Ezayi yee koyne ka nee: 40 «Irkoy na moñey danandi, a na biney šendandi, hala moñey masi duu ka dii, biney masi faham, Irkoy nee: <l masi koy *tuubi y'i noo baani.»»

Rom Borey Batagaa 11:7,8 Adiši macin? Hayaa kañ Izirayel g'a ceeći a mana duu a, amma Irkoy boro suubantey duu a. Borey cindey šendandi, 8sanda takaa kañ nda a hantumandi Citaaboo ra ka nee: «Irkoy n'i noo hundi kañ si kula, nda moo kañ si dii, nda haña kañ si maa, hala hõ.»

2 Tesalonik Borey Bataga 2to 2:10,11 a ga šerretaray jañay dumi kul tee ka halacintey darga, zama i mana yadda ka baa cimoo kañ g'i hallasi. 11 Woo maaganda se Irkoy ga gaabi derante sanb'i ga kañ g'i ka naanay taaroo,

Matiyu 13:18-23 «Adiši war, wa faham sayakaa filla yaasayantaa se. 19 Boro kul kañ ga hanjayer *Laamaa Šennoo se, amma a si faham, boro laalaa kañ ti Ibilisi ga kaa ka woo kañ sayandi binoo ra dogu, woo ti fonddaa kañ bande a saya. 20 Tondidogoo kañ ra a saya man'ti kala boraan kañ maa Šennoo, dogoo din da a g'a dii nda paali, 21 amma a mana linji tee a ra, a si gay a ra. Nda zarabiyan wala gurzugayyan kaa a ga Šennoo maaganda se, dogoo din da a ga murti. 22 Dumari karjikoyney kañ ra a saya man'ti kala boraan kañ maa Šennoo, amma zamanoo alhuzunoo, nda almanoo kañ ga zanba ga Šennoo hewguba, a masi ize tee. 23 Labu hennaa kañ ra a say man'ti kala boraan kañ maa Šennoo, a faham. Šikka sii, a ga ize tee, affoo ize zangu (100), affoo ize woydu (60), affoo ize waranza (30).»

2 Korent Borey Bataga 2to 3:15,16 Hala hõ, waati kañ i ga Musa citaaboo caw, zaara ga guma biney ga. 16 Amma waati kañ boro bere ir Koyoo here, zaaraa ga hun,

Oze 11:3-7 - Matiyu 11:28-30 Wa kaa ay do, war kul kañ goo ma fara, de jeeje goo war ga, agay, ay ga war noo hunanzamay. 29 W'ay *tiñay-zaa-bundoo dan war ga, war ma tee ay taalibey, zama ay binoo ga yay, ay binoo ga nga boñ yee ganda, war hundey ga duu hunanzamay. 30 Zama ay tiñay-zaa-bundoo ga ban, jeeja kañ ay g'a dan war ga, ga don.»

Teegoyey 26:18 hala ma moñey feeri, i ma bere ka hun kubaa ra ka koy gaayoo ra, ka hun Ibilisi hinoo cire ka koy Irkoy do hala i ma duu zunubey yaafaa, ka duu baa borey bande kañ yeetandi jere ga Irkoy se ngi naanaa kañ i n'a dan

ay ra maaganda se.»»

2 Timote Bataga 2to 2:24-26 Ir Koyoo tam si hima ka yenje, a mma hima ka tee alaafiyante borey kul here. A ma hin ka cawandi, a ma tee suurante. 25 Nga kakawkey, a m'i cawandi nda bineyaynay, a ga hin ka tee Irkoy m'i noo fondo i ma *tuubi ka cimoo bay 26 ka duu lakkal ka hun Ibilisi kumsaa ra, nga kan n'i dii hala i ma nga ibaayoo tee.

Bangandiroo 3:17-19 Zama de n'ga nee: 'Almankoyni ti agay, ay n'ay boj noo alman, ay si too haya kul ga.' Amma n'si bay kanj ni bone, ni jaase. Talka nda danaw ti ni, n'goo gaa koonu. 18 Ay ga ni hoyray, ma wura kanj henanandi nuune ra day ay do hala ma tee almankoyni, nda darbay kaarayyanj kanj ga ni daabu, ni gaa koonoo haawoo masi fatta, nda safari kanj ga danandi ni money ga hala ma duu ka dii. 19 Agay, borey kanj ay ga bag'ey, ay ga cit'i ga, ay g'i danj fondaar ra. Tee boro kanj ga koron, ma *tuubi.

2 Korent Borey Bataga 2to 7:10 Zama binemarayyan kanj teendi ka sawa nda Irkoy ibaayoo ga kate boro binoo ma maray ka tuubi ka duu hallasiyan, boro si nimsi a ra, amma adunja binemarayyanoo ga kate buuyan.

1 Kokoyey 1na 18:37 - Irkoy turned heart back to Irkoy.

2 Korent Borey Bataga 2to 4:4 borey kanj si naanay kanj zamanoo woo koyoo na lakkaley danandi hala i masi dii Alhabar Boryaa annuuraa kanj ti *Almasihu darzaa kanj ti Irkoy biyoo.

Luka 8:11-15 «Filla yaasayantaa woo almaganaa ne: dumiyoo man'ti kala Irkoy meešennoo. 12 Wey kanj kanj fondaar bande man'ti kala borey kanj ga hañajer. Amma Ibilisi kaa ka Šennoo kaa biney ra, hala i masi naanay ka hallasi. 13 Wey kanj kanj tondidogoo boj man'ti kala borey kanj, nd'i maa Šennoo, i g'a dii nda jaali, amma a mana zay biney ra ka linji tee, i si gay naanaa ra. Nda alwaati šenda kaa i ga, i ga nañ. 14 Dumari karjikoyney kanj ra dumiyoo jere foo kanj man'ti kala borey kanj maa, amma i nañ alhuzuney, nda adunja almanoo, nda biniibaayey m'a hewguba. I si ize tee kanj ga nin. 15 Labu hennaa kanj ra jerey sayandi man'ti kala borey kanj, nd'i maa Šennoo, i g'a dii nda bine henna kaaray. I ga ize tee haya kul kanj ga no.»

Teegoyey 15:11 Amma ir ga naanay kanj ir Koyoo Isa alhormaa ra kanj ir hallasi sanda takaa kanj nda ngi mo hallasi.»

Rom Borey Batagaa 8:13 Zama nda war ga dira nda hundi-ibaayi, war ga buu, amma nda war ga Hundoo ka gaaham teegoyey wii, war ga huna.